

Bibele ya banana

Itiswa ku mina

Makalelo a ku swaba kwa mutu



I ñozwi ki: Edward Hughes
I bonisizwe ki: Byron Unger; Lazarus

I tolakilwe ki: JARNIX M. MASIYE
I hamuhezwi ki: M. Maillot; Tammy S.

Story 2 of 60

www.M1914.org

Bible for Children, PO Box 3, Winnipeg, MB R3C 2G1 Canada

Zibiso: Mu lukuluhile kukopisa likande le kapa ku liñola, kono hamu lumelezwi ku lekisa.

Lozi


MULIMU U EZIZE LIKA
KAUFELA! Mulimu a bupa mutu
wa pili, Adama, a pila mwa simu
ya Edeni ni musala hae Eva. Ne

ba li baba petahalile
bane ba latelela litaelo
za Mulimu banze ba ikola
ku ina ni yena
kufitela zazi
leliñwi ...




1

"Kana Mulimu u
mi hanisize ku ca
kwa muselo wa kota
kaufela?" noha ya buza
Eva. "Lu lukuluhile ku ca
kwa muselo wa kota kaufela
kuzusa kwateni iliñwi," Eva
alaba. Haiba lu ca kapa
ku swala kwa kota yeo,
lu ka shwa. "Ha mu na ku
shwa." Kwa bulela noha.



2




"Mu ka swana sina Mulimu."
Eva a tabela muselo wa kota yeo. A teleza kwa noha mi a ca kwa muselo.

3



Kasumulaho a ku tula mulao wa Mulimu, Eva a fa kwateni Adama mi ni yena a ca kwa muselo. Adama na swanela ku alaba kuli, "batili! Ni ka tula manzwi a Mulimu."

4



Bo Adama ni Eva a ba eza sibi, bubeli bwa bona lemuha kuli ne ba li mapunu. Ba tama-tama matali a likota ku eza liapalo, ba apala mi bayo ipata mwa mushitu kuli Mulimu asike ku ba bona.

5



Manzibwana inge kubata hande, Mulimu a taha mwa simu. Na zibile ze ne ba ezize bo Adama ni Eva. Adama a nyaza Eva. Eva a nyaza noha. Mulimu ali kwa noha, "U kutilwe. Wena musali u ka utwa butuku mwa ku pepa kwa hao."

6



Ku Adama ali, "Kakuli u ezize sibi, lifasi li kutilwe, li ka tala miñaña ni miutwa ye taba. U ka beleka katata ya mi fufuzo ya hao kuli u fumane sico."

7



Mulimu a lelekela bo Adama ni Eva kwa nde a simu ye yende ya Edeni. Bakenisa kuli ba ezize sibi, ba kauhana kwa sishemo sa Mulimu.

8



Mulimu a eza sabule ye nani malimi a mulilo kafa ni kafa ku ba tibela kuli ba sike bakuta. Mulimu a ezeza Adama ni Eva mikata ya lifolofolo kuli baapale. Neli kakai koo Mulimu na fumani mikata yeo?

9

Kasamulaho a nakonyana bo Adama ni Eva baba ni bana. Wa pili, Kaine, neli mulimi. Wa bubeli, Abele, neili mulisana. Zazi leliñwi Kaine a tisa mpo ya muloho ku Mulimu. Abele yena a tisa mpo ya ngu ye nde kaku fitisisa ku Mulimu.

Mulimu a tabela hahulu mpo ya Abele.



10

Mulimu na sika tabela mpo ya Kaine. Kaine a nyema hahulu. Kono Mulimu ali "Haiba u eza sesi lukile, kana a u na ku hamuhelwa?"



11

Ku nyema kwa Kaine neku sika fela. Kasamulaho a nakonyana, Kaine a lwanisa Abele mwa simu mi a mu bulaya!




12

Mulimu a buza Kaine ali, "Munyen'a hao u kai, Abele?" "A ni zibi," Kaine a puma. "Kana ki na mulisana wa munyen'a ka?" Mulimu a fa Kaine koto kaku mu amuha maata a nani a ku lima mi a mu eza muyambaeli.



13

Kaine a saba kuba bukaufi ni MULENA. A yo nyala mwan'a Adama ni Eva. Ba pepa bana. Mwa nako ye kuswani, baikulu ba Kaine ba tala naha yeo na fumani.




14

Ka nako yeo, lusika lwa bo Adama ni Eva lwa hula kapili. Mwa linako zeo batu neba pila nako ye telele ku fita kacenu.



15

Seta mwaña hae wa mushimani a pepwa, Eva a bulela ali, "Mulimu u ni file Seta ku yolisa Abele." Seta ne ili mutanga wa Mulimu ya pilile lilimo ze 912 mi na na ni bana ba ba ñata.




16

Mwa lifasi, batu ba kala kuba ni bumaswe bo bu tuna palo ya batu a ne inze ihula.



17

Kwa mafelelezo, Mulimu aba ni mulelo wa ku shinya mutu mi lifolofolo kaufela ni linyunywani. Mulimu a inyaza sa na bupezi mutu. Kono ne kuna ni mutu a li muñwi yana tabisa Mulimu ...



18

Mutu yo neli Nuwe. Muikulu wa Seta, Nuwe neli mutu ya na lukile ya na sina fa na nyazahala. Na zamahelala ni Mulimu.



19

A luta cwalo ni bana ba hae babalalu baba bashimani ku latelela Mulimu. Cwale Mulimu a hupula ku itusisa Nuwe ka mukwa o komokisa kaku fitisisa.



20

Makalelo a ku swaba kwa mutu

Likande leli zwa mwa linzwi la Mulimu, Bibebe

Lifumaniwa mwa

Genese 3-6

"Makalelo a lituto za hao a tisa liseli."
Lisamu 119:130

Mulimu wa ziba kuli lu ezize lika ze maswe, zeo a A biza kuli sibi. Koto ya sibi ki lifu.

Mulimu u lu latile kuli mane u lu lumezi Mwan'a Hae, Jesu ku to lu shwela fa sifapahano ku lifa milatu ya luna. Jesu u tile inge a pila mi u kutezi kwa lihalimu! Cwale Mulimu wa kona ku lu swalela libi za luna.

Haiba mu bata ku bakela libi za mina, mu kupe ku Mulimu Cwana: Oho Mulena Mulimu, na lumela kuli Jesu u ni shwezi mi wa pila hape. Ni kupa kuli u kene mwa bupilo bwa ka mi u ni swalele libi z aka, ili kuli ni be bupilo bo bunca ni pilele ku wena ka kuba mwan'a Hao. Amen. Joani 3:16

Mu bale Bibebe, mi mu bulele ni Mulimu zazi ni zazi!